

silvam, qua Milcianorum occurrunt termini. Inde ad orientem hos fluvios habet terminos. Bug scilicet et Ztir cum Gracouua civitate provintiaque, cui Uuag nomen est, cum omnibus regionibus ad predictam urbem pertinentibus, quę Gracouua est. Inde Ungrorum limitibus additis usque ad montes, quibus nomen est Triti, dilatata procedit. Deinde in ea parte, quę meridiem respicit, addita regione Morowia usque ad flumen, cui nomen est Wag, et ad medias silvas, cui nomen est Mõre, et eiusdem montis eadem parrochia tendit, qua Bauuaria limitatur. — —

:Signum domni Henrici tercii Romanorum imperatoris augusti.: (M.) (S. spec.)

:Herimannus cancellarius vice Mezedonis archicancellarii reconsignavit.:

Data III. kal. maii<sup>a)</sup> anno ab incarnatione domini .M. LXXX. VI., indictione VIII., 10  
anno autem domni Henrici regni quidem XXXII., imperii vero .III.; actum Ratispone; in  
Christi nomine feliciter amen<sup>b)</sup>).

## 157.

*Papst Klemens III. fordert den König Wladislaw von Böhmen dringend auf, die schon früher beantragte Beförderung eines ihm wohlbekannten und getreuen Mannes baldigst eintreten zu lassen.* 15

[Nach 1086 Juni 15.]

*Gedr.: Cod. dipl. Sax. reg. II. 1.39.*

*Ann.: Vergl. Einl. 105 Ann. 126. S. A. 195 Ann. 126.*

Clemens episcopus servus servorum dei Wratislao glorioso principi Boemorum ac dilectissimo filio salutem et apostolicam benedictionem. — — Praeterea non credimus a tua 20  
excidisse memoria, quod dilectionem tuam et per literas et per nuncium tuum plurimum postulavimus. Obnixè rogamus super quodam dilectissimo filio nostro tibi equidem fidelissimo et satis noto celsitudinem tuam interpellantes, ut in illa re, quam postulabamus, nostrae voluntati assensum praeberes. Sed nihil nobis de hac ipsa re postea, unde plurimum miramur, remandasti. Et ipse quidem iam magnifice, sicut dignus est, foret locatus, nisi hic fuisset 25  
exspectatione detentus, quo deus novit fideliozem tibi non poteris invenire. Hoc autem tuae sit notum dignitati, quod cum domino imperatore karissimo filio nostro de re ista nondum quicquam egimus, quoniam tuae certitudinem voluntatis hactenus exspectavimus. De hoc vero certissimus existas, quodsi hoc unum nostri causa, nostro rogatu feceris, quicquid a nobis deinceps me et te dignum petieris, impetrabis. Quicquid igitur de hac 30  
re sedet tuo animo, utrum videlicet nostris tam dignis, quod non diffidimus, assentiaris petitionibus, nos quantocius effice certos. Nolumus enim tantum virum, tam utilem ecclesiastico regimini tali amodo suspensio detineri. Novo quidem sigillo utpote evidentiori has litteras idecirco insigniri praecipimus, ut tua etiam dignitas evidentissimum tuae concessionis signum aliquod videlicet admirationis novum in novo, quem petimus episcopo 35  
eligendo et constituendo mittere dignetur.